

ЎЗБЕКИСТОН РЕСПУБЛИКАСИ  
ВАЗИРЛАР МАҲКАМАСИНИНГ  
Қ А Р О Р И



ПОСТАНОВЛЕНИЕ  
КАБИНЕТА МИНИСТРОВ  
РЕСПУБЛИКИ УЗБЕКИСТАН

28 “ декабрь 2017 й. г. № 1031

Тошкент ш. – г. Ташкент

**“Ҳаж” ва “Умра” тадбирларини ташкил этиш ва ўтказиш тартиби  
тўғрисидаги низомга ўзгартириш ва қўшимчалар киритиш ҳақида**

Ҳаж сафарига номзодларни танлашда адолат тамойилларига қатъий амал қилиш, жамоатчилик фикрини ўрганиш, шунингдек, ҳажга борувчиларни саралаш тартибини янада такомиллаштириш мақсадида Вазирлар Маҳкамаси **қарор қилади:**

1. Вазирлар Маҳкамасининг 2017 йил 7 июндаги 364-сон қарори (Ўзбекистон Республикаси ҚТ, 2017 й., 6-сон, 96-модда) билан тасдиқланган “Ҳаж” ва “Умра” тадбирларини ташкил этиш ва ўтказиш тартиби тўғрисидаги низомга иловага мувофиқ ўзгартириш ва қўшимчалар киритилсин.

2. Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсинлар.

3. Мазкур қарорнинг бажарилишини назорат қилиш Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита раиси О.О. Юсупов зиммасига ҳамда Вазирлар Маҳкамасининг Маданият, санъат ва ёшлар сиёсати масалалари ахборот-таҳлил департаментига юклансин.

Ўзбекистон Республикасининг  
Бош вазири



А. Арипов

Вазирлар Маҳкамасининг  
2017 йил “28” декабрдаги  
ГОЗ -сон қарорига  
илова

**“Ҳаж” ва “Умра” тадбирларини ташкил этиш ва ўтказиш тартиби  
тўғрисидаги низомга киритилаётган ўзгартириш ва қўшимчалар**

**1. 10-бандда:**

а) қуйидаги мазмундаги иккинчи – бешинчи хатбошилар қўшилсин:

“Ҳаж” тадбирига боришга номзодларни саралаш ишларини Ҳаж мавсумидан камида беш ой аввал бошлашни ташкил этиш;

“Ҳаж” тадбирига боришга номзодларни саралашни ушбу Низомда белгиланган талаблар асосида амалга оширилишини ҳамда ижтимоий адолат тамойилига амал қилинишини таъминлаш;

зиёратчиларнинг тўлиқ тиббий кўриқдан ўтишини таъминлаш;

жамиятдаги ижтимоий муҳитни янада соғломлаштиришда ҳамда маҳаллалардаги йўлдан адашганларни соғлом эътиқодга қайтаришда алоҳида намуна кўрсатган имом-хатибларнинг имтиёзли равишда Ҳаж сафарига боришига тавсия бериш”;

б) иккинчи – саккизинчи хатбошилар тегишли равишда олтинчи – ўн иккинчи хатбошилар деб ҳисоблансин.

**2. Қуйидаги мазмундаги 14<sup>1</sup>-банд қўшилсин:**

““Ҳаж” тадбирига боришга номзодларни маҳалла фуқаролар йиғини миқёсида саралаб олиш учун фуқароларнинг ўзини ўзи бошқариш органларида туман (шаҳар) ҳокими томонидан 7 кишидан иборат таркибда ишчи гуруҳ тузилади (кейинги ўринларда ишчи гуруҳ деб аталади).

Ишчи гуруҳ таркибига, қоидага кўра, туман бош имоми, маҳаллага бириктирилган имом, маҳалла раиси, диний маърифат ва маънавий-ахлоқий тарбия масалалари бўйича маслаҳатчи, профилактика инспектори, Хотин-қизлар қўмитаси ва Ўзбекистон фахрийларини ижтимоий фаолиятини қўллаб-қувватлаш “Нуроний” жамғармаси вакиллари киритилади”.

**3. 15-банддаги “хайъатлар ва ташкилий гуруҳлар” сўзлари “хайъатлар, ташкилий гуруҳлар ва ишчи гуруҳлар” сўзлари билан алмаштирилсин.**

**4. Қуйидаги мазмундаги 28<sup>1</sup> – 28<sup>3</sup>-бандлар қўшилсин:**

“28<sup>1</sup>. “Ҳаж” тадбирига боришга номзодлар навбатга қўйилишидан аввал ушбу Низомнинг 28<sup>2</sup>-бандида назарда тутилган талаблар асосида ишчи гуруҳ томонидан суҳбатдан ўтказилади ва сараланади.

Бунинг учун фуқаролар йиғини раиси томонидан номзодларнинг алоҳида рўйхати шакллантирилади. Номзодларга улар суҳбатдан ўтказиш ва саралаш учун рўйхатга қўшилганлиги ҳамда суҳбатдан ўтказиш санаси ва жойи тўғрисида фуқаролар йиғининг раиси томонидан хабар берилади.

Ишчи гуруҳ хар ойнинг 5 санасидан кеч бўлмаган муддатда шаклланган рўйхат асосида “Ҳаж” тадбирига борадиган заёратчи сифатида навбатга қўйиш учун номзодларни суҳбатдан ўтказди ва саралайди.

28<sup>2</sup>. “Ҳаж” тадбирига боришга навбатга қўйиладиган номзодлар қуйидаги талабларга жавоб бериши лозим:

- а) номзод моддий ва жисмоний жихатдан “Ҳаж” тадбирига кодир бўлиши;
- б) “Ҳаж” амалларини тўғри ва тўла-тўқис адо этиши учун етарли диний билимга эга бўлиши;
- в) номзод маънавияти, маърифати ва одоб-ахлоки билан маҳаллада обрў-эътиборга эга бўлиши;
- г) оиласидаги муҳитнинг соғломлиги ва фарзандларининг ижобий тавсифланиши, маҳалла фуқаролар йиғинидаги ижтимоий-маънавий муҳитни яхшилашда ибрат бўла олиши;
- д) йўлдан адашганларни соғлом турмуш тарзига қайтариш, уларнинг ижтимоий мослашувига ёрдам бериши, маҳалла фуқаролар йиғинида ўтказиладиган ҳайрия тадбирларида иштирок этиши;
- е) ушбу Низомнинг 46-банди талабларига жавоб бериши.

28<sup>3</sup>. Саралаш натижасига кўра “Ҳаж” тадбирига боришга навбатга қўйиладиган номзодлар рўйхати тегишли ҳудуддаги масжид ва фуқароларнинг ўзини ўзи бошқариш органлари биноларида эълон қилинади ҳамда 15 кун мобайнида улар бўйича жамоатчилик фикри ўрганилади.

Жамоатчилик томонидан билдирилган таклиф ёки эътирозлар ишчи гуруҳ томонидан 5 кун муддатда кўриб чиқилади ва текширилади.

Ишчи гуруҳ жамоатчилик фикри асосида фуқарони “Ҳаж” тадбирига борадиган заёратчи сифатида навбатга қўйиш учун фуқароларнинг ўзини ўзи бошқариш органига 1 кун муддатда тавсия беради”.

#### 5. 46-бандда:

а) иккинчи хатбоши қуйидаги мазмундаги иккинчи ва учинчи хатбошилар билан алмаштирилсин:

““Ҳаж” тадбирига бормоқчи бўлган фуқаро “Ҳаж” тадбирига бормаган бўлиши;

“Умра” тадбирига бормоқчи бўлган фуқаро сўнгги икки йил мобайнида “Умра” ёки сўнгги беш йил мобайнида “Ҳаж” тадбирига бормаган бўлиши”;

б) учинчи ва тўртинчи хатбошилар тегишли равишда тўртинчи ва бешинчи хатбошилар деб ҳисоблансин.

#### 6. Низомга 1-илованинг матни қуйидаги таҳрирда баён этилсин:

